

"Nearer My God to Thee."

1. Propius, O Deus mi, propius ad Te,
Etiam si crux erit quae tollat me :
Canam continue—
Mi Deus, prope Te ;
Propius, O Deus mi, propius ad Te.
2. Erroni noctu quamvis similis,
Quiescam super stratum lapidis,—
Delectat esse me
In somnis prope Te ;
Propius, O Deus mi, propius ad Te.
3. Ut scalae tunc ad coelos via sit ;
Quaecunque mihi des, clementia fit :
Sunto coelicolae ;
Nutantes vocent me,
Propius, O Deus mi, propius ad Te.
4. Tum experrecta laude fulget mens ,
Petrosis malis "Bethel" extruens :
Sic moeror urget me,
Mi Deus, prope Te,
Propius, O Deus mi, propius ad Te.
5. Si laetis pennis findens aëra.
Relictis stellis, petam supera—
Quam jucundissime,
Cantabo—Prope Te,
Propius, O Deus mi, propius ad Te.